

'ի այնմ պատերազմի ստանասցէ բաժին 'ի աւարի բոլոր ժամանակ այնմ պատերազմի ստացեալ, միևնոյն գունակ որպէս կենդանիս և առողջս:

Գ Լ Ո Ւ Ն 3ԺԳ.

Ամենայն կին ամուսնացեալ ընդ առն զինուորի որ իցէ տղայ և ոչ կարգաւոր և իշխան եթէ մարտիրոսասցի առն նորայ մէջ պատերազմի, եթէ կին նորայ մի գտցի այլ այր զի ամուսնացի, տունն հայոց հարկաւոր է տացէ մի 'ի չորից բաժնոյ ռոճկի առն առ կին նահատակելոյն, բոլոր ժամանակս կենաց կնոջն, և եթէ կինն նորայ գտցի այլ այր և ամուսնացի տունն հայոց ազատ լիցի 'ի վեր ասացեալ ծախուց:

Գ Լ Ո Ւ Ն 3ԺԴ.

Բաժին աւարաց նահատակաց ստացի առաջի ժառանգ նահատակին, եթէ ոչ գտցի ժառանգ, հատուցանել պարտ է մերձաւոր յազգականի իւրոյ ըստ Օրինօք:

Գ Լ Ո Ւ Ն 3ԺԵ.

Ոչ ոք գերի 'ի պատերազմի եթէ քրիստոնեայ և կամ հեթանոս մի վաճառեսցի, այլ մեղմ և հանդորր պահեսցի մինչև 'ի ժամանակի խաղաղութեան, եթէ գտցի գերի մեղանէ 'ի ձեռինս